

崑新兩縣續補合志卷二

山

崑邑以山得名自華亭析置以後境內已無崑山後人附會以馬鞍山當之誤也邑中郊坳墩阜皆見采於舊志而葉志所載朱志猶有遺漏者今列其名並附考崑山之地如左

衣墩在縣東六里惠安鄉

戴墟在縣西南三十里

附崑山在華亭縣西北二十五里蓋割崑山之境以隸華亭而縣名仍之山高一百五十丈周八里輿地廣記陸氏先葬此山士衡兄弟生焉時人以玉出崑岡

崑新兩縣續補合志

卷二

山

一

比之故名

公署

舊志立官署一門以紀官吏廨宇凡地方善舉支領官項及地方捐置者皆有其治事之所而一切隸於官署自變政以後會場局所多因曩日公產其沿革興廢不可不詳識以備將來之考覈也列紀其地如左

崑山

縣治在城之中咸豐末燬於兵迨克復後歷任僦居民房光緒初知縣金吳瀾詳請以玉峯倉暫作衙署先建監獄及自新所

參前志

八年知縣張紹渠以歷年畝捐充作

經費詳憲請准將衙署全部重建鳩工庀材九年完竣
卽遷入署內堂宇門廡悉如舊制

縣丞廳

石浦巡檢司署

典史廳

以上見前志

玉峯倉在朝陽門內倉潭

見前志

光緒九年縣署遷出後

東偏權作守備署西偏及後堂權作儒學署大堂儀門
公用出入

積穀倉卽在玉峯倉西光緒

年知縣

督董

蕭純熙支積穀息款創建會客廳廳頭門倉廩共四埭計
五十餘間

崑新兩縣續補合志

卷二

公署

二

積穀倉在天區一畝南黃圩忠義祠後

見前志

光緒二十

年知縣諸可寶督董方光祖動用積穀息款添建倉廩
二十間

義倉在畱暉門內宇區六畝西塘街辦理積穀備荒

見前志

歷年收租折價積錢存儲本無倉廩存穀光緒三十
一年改設初等小學校

常平倉在察院街新陽界內本唐儒學故址

見前志

光緒

二十六年里人張方中繳價圍墾

新陽

縣治在崑山縣治東南葦菜橋東光緒九年重修

縣令李福沂有

重修新陽治廨記新陽爲崑山之分縣古婁邑舊治也其地當吳會要衝賦政繁劇素號難理我朝雍正四年

始建治於崑城葦菜橋之東乾隆嘉慶間宋公健文唐
公承中一再修葺燦然大備會咸豐庚申吳會之陷燬
毀殆盡巍基雕礎夸為榛莽荒墟有日矣為令者率儻
民塵治事几案而外隸卒簿書幾無所容累政相仍未
果經始其何以辨等威尊瞻聽歟同治甲戌前令泉塘
許侯下車周覽顧公堂庶愴然動謝文靖五畝之感爰
度故址稍稍繕完一如堂址之舊工未蕪而移符嘉定
相繼宰是邑者次第補建廳事告具列坐堂皇始聊復
舊觀焉光緒己卯夏福沂始至官以吏舍單外其舊地
奪為幕僚資從燕息庖福之所諸掾散處家街或假室
廬於眾務失治考之案卷選選無存迺詣省白諸固
始吳大中丞訢然如請於是擇日旬工募庸護作鼎而
新之斥而大之鬆形繪藻無乖格制登馮馮役以馨
鼓不稭年而潰成自譙樓神堂庫房獄舍賓廨官庖及
次門後堂內外寢以次繕治迤東舊有隙地一隅復以
退材為丈室翼以兩軒空明繚曲麗慶洞然竹石藹映
每簿領之暇閱古賞奇塊坐諷歎斗酒自勞泊如宰如
不自知其身與官之為傳舍也若祀土地建祠祀魁星
建閣漕戶之比落城司之廨宇此又外署之增剏亦
予所彈力以成者是役也為屋百數十楹告糜縣帑之
餘緡不及萬并捐薪俸以補不足功倍而吏不知費役
訖而民不知勞易曰君子以作事謀始籍而記之俾後

崑新兩縣續補合志

卷二

之來者登斯堂履斯庭息焉游焉當亦念締結之難而
無忘日新之意則所為文其事者又豈徒樂觀厥成以
前功哉

巴城巡檢司署

典史廳俱見前志

水次倉在雷暉門外咸豐末遭兵燹同治七年知縣馮

涓重建見前志光緒間漕糧隨收隨兌廢置不用日形圯

毀至光緒三十二年松江紳士潘之驥等賃租修葺設

立墾牧公司

敦善堂在天區二畝尚書里見前志兵燹後暫賃時家園

顧亭林祠後之文會局辦理堂務兼辦闡費籌濟兩局

事宜各門義塾公所亦均其中光緒三十二年敦善籌

濟移并普育堂合辦互見普育堂旋將文會義學闡費田畝并充學款斯堂亦次第改作學會勸學款產經理自治籌備等處所

豐備倉即碧梧道院廢址同光間歷經陳許兩邑令建造見前志光緒三十二年將倉穀糶去閉置不用

積穀倉在萬仁街光緒十七年由知縣魏彥蘇品仁先後詳請提撥息款督董戴其繩顧宰梅建築計官廳頭門倉廩及看役住房共四十五間連西首沿河石駁岸一併統共用錢五千三百餘串三十二年存穀糶去廢置不用旋由縣撥靠西十七間改立初等小學校

崑新兩縣續補台志

卷二

公署

四

張孝曾繆自申等捐田勸辦凡屬兩邑庠生境況貧寒而病故者其婦孀居茹苦得報名由局查明每人月給郵錢六百文年終給度歲費一千文

放生園在崑縣北清真觀後光緒十七年里人盛鳳標等以雷神殿舊址集資改建朱紹成放生園碑記邑中

也當時知縣項公澤奉勅建至今碑記尚存由宋而元而明以迄國朝放生之事雖無可考而黃冠奉祀老子之所則以此為最古觀西向中為玉皇殿左右為痘司仙人太乙各殿玉皇之陰供元武像後為石梁梁有亭度梁而東為甬道後曰真武殿南北相向者曰雷神殿曰三元殿一泓清水三面環繞所謂放生池即此是也道咸間道士猶盛粵逆之亂觀宇盡毀僅存玉皇殿亦岌岌可危克復後三元殿道士杜汝元歸而修輯繼即太乙殿遺址建雷神殿並建道房石梁之後則蔓草荒煙池且淤塞無復有願而問者先是邑有正心壇在迎薰門外兵燹後移建新邑廟左壇眾數十人其誦經禮斗扶乩諸事紹成不能知而連年施衣施粥施藥施棺

保嬰棲流庇寒以及放生等所善事叠興則皆壇眾解
 囊為之且嘗協賑晉豫順直灾荒各大事皆製匾以贈
 總名曰正心崇善局盛君異卿實主其事光緒辛卯議
 欲推廣放生乃於清眞觀雷殿舊址建樓三楹下奉
 文昌上供蓮池南向為門左翼以亭後建從屋以居守
 者樓之右規地為園畜牛羊雞豕之屬濬舊池以放魚
 蝦沿河遍樹竹籬雜植梅柳並開東北隅俾池水四
 面同旋經始於辛卯秋七月壬辰二月落成凡糜白金
 二于有奇盛君因於崇善局外別名之曰放生園而屬
 紹成爲之記竊惟放生仁術也古人之無故不殺生魚
 畜其好山林之川澤必設之官而示之禁是即不言放
 充其心而已今諸君本施濟之懷擴此仁術然則孟子
 謂親親而仁民而愛物其真無憾矣哉紹成不文所
 重違盛君之意爲詳著觀之舊蹟庶與園之所有樂善
 明放生一事實遠尋宋之舊蹟庶與園之所有樂善
 籌款督工與盛君相助爲理凡有於斯園者皆樂善
 君子也別刊於石光緒十年八月有王辰春三月張方
 曰清眞觀觀後有廢水一渠曰放生池之浚宋仁宗
 時也邑人盛君異卿憫其久而就湮謀之李君耕三湯
 君鑑倉孫君桂堂徐君穠伯廣賁鳩工因池爲園經始

於光緒辛卯春二月越年乃成余暇日觀之見夫瞰池
 而立斗然三楹曰文昌閣故雷神殿遺址也閣之左脅
 以亭方廣容席而仰揖朝旭幽勝堪翫右正以堂陰
 翕以軒緯以從屋繩以外垣仍其石梁而池加濬其
 翁以軒緯以從屋繩以外垣仍其石梁而池加濬其
 分之以軒緯以從屋繩以外垣仍其石梁而池加濬其
 有雞有鶩有榆柳以蔭暘有旁舍以寶觀蓋於放生而
 外隱寓蘇州有榆柳以蔭暘有旁舍以寶觀蓋於放生而
 焉鳴呼其信善矣余惟天意俾邑之沒不及葬者姑寄頓
 寄於人者也人能以我心固有生之理天地萬物所分
 物將舉人者世之貪利嗜欲機辟罔咎之生理仍適之
 而天地萬物油然各得其生賢不可幾而宵如曠如我
 若夫奉佛老以爲戒雖去聖賢不可幾而宵如曠如我
 心幾微之生理亦足以爲之畱積而久焉吾惡乎知其
 必不幾於聖賢猶有所謂貪利嗜欲機辟罔咎之生理
 其生哉然則聖賢猶有所謂貪利嗜欲機辟罔咎之生理
 因盛君之屬遂書以貽之而必不可無文以記之也適
 三月十八年推廣善舉復募捐添建房屋旁築殯舍以便
 寄厝并辦代賒代借等事統名之曰培德局
 永安局在迎薰門外創于乾隆丙申廢于嘉慶丁丑毀

于咸豐庚申光緒十四年戊子邑人俞國瑩以飯僧田
貲建三楹以奉斗姆十八年壬辰邱淵度等復募建七
楹為永安局仍事掩埋惜字施粥藥衣棺善舉其東即
土地祠為殯宮後宋吟濤改俞氏所建為樓三十三年

丁未迎薰小學賃借于局所而善舉如故
薰門外之有永安局為掩埋之舉創于乾隆之丙申廢
于嘉慶之丁丑毀于咸豐庚申之亂而重建于今光緒
壬辰者也先是局之遺址改建土神祠而其西竹溪道
院為借字社者亦火于兵遺飯僧田十四畝有零戊子
春邑人始以其歷年所入建三楹以奉斗姆之神獨永
安局無有過而問者去夏邱丈效川歸君耕山復于祠
西募建七楹以面南三楹儲施棺西偏四楹藏字籬誠
善舉也工竣邱丈以記屬余謂君子之為善非以為名
也而記之有似乎為名矣丈侯之樂助厥成諸善士之
記夫是局興廢之由與兩邑侯之樂助厥成諸善士之
有同志也余曰是則可以記矣遂書之光緒十九年癸
巳三月朱紹成重建正心壇碑記邑迎薰門外正心壇
公署

初為竹谿道院有斗姥大士兩殿並供文武二帝東偏
曰聽松廬庭下累石為山有黃楊五株相傳宋代遺植
院宇幽靜花木繁茂有飯僧田若干畝邑人某某捐助
又若干畝住僧卻凡購置殿之左為永安局嘉慶中局
併教善堂里人土往扶亂於此遂稱正心壇兵燹後
一片荒郊壇址改祠土神扶亂於此遂稱正心壇兵燹後
正心崇善局舊時壇眾僅存俞君錫華及于雲山兩
既而雲山披薙建菴於城中察院里俞於示寂僧徒更
田畀之同治辛未俞物故後二年雲山示寂僧徒更
無常於是俞子國瑩復主是田至今春三月乃出歷年
租息即舊址建斗姥殿三楹凡費工若料值若干緡款
不足捐墊以濟事既竣國瑩請記於余且曰先輩之主
是壇者嘗別掃一室為位以祀今皆不可考矣瑩所記
者惟方君小湘唐君賓之而嘯巖郎氏及先君子則當
尚茫然瑩又移居東城擬將以所管田交家近壇而餘
其由者俾擇僧主持以大概如此其仍曰壇者徇眾稱并
無記余然其說為書大租細如
藉以誌舊蹟焉他如田租
數別刊於石光緒戊子十月
普濟育嬰堂在天區三圖茅家橋東
見前光緒七年于

堂東增立清節堂三十二年以敦善堂併入邱樾有普育敦善清節三堂歸併記

其間顯連困苦賴撫恤存贍

者實繁有徒嘉慶二十二年王椒畦先生學浩與樾曾

祖諱以澄及諸先正創敦善堂厥後施棺代葬義渡籌

濟等局次第增設經辦路斃收埋代葬施棺衣藥度歲

米修橋梁諸善舉而闡費文會義學酒埽借字等局暨

忠義節孝顧鄉賢朱孝定等祠皆埽于此為辦公地經

費時相挹注道光二年金蓼洲先生承烈夏景堂先生

溶募捐創建普育堂經辦月米以周給貧戶而瞻名門

妾婦並收養兩邑孤老路棄嬰孩諸善舉光緒七年崑

侯金公吳瀾新侯李公福沂借邑蔣雲槎先生泰咸籌

立清節堂埽于普育堂東隅收養節婦之無依者由是

兩邑窮黎生有瞻養死有構葬與夫窮獨寡孤廢疾嬰

稚鮮有失所敦善舊屋在東城尚書里咸豐末毀于兵

權賃時家園顧鄉賢祠光緒三十二年丙午冬國家多

故新政事興廢科舉設學堂邑人士白諸官立勸學所

以闡費文會義學酒埽惜字等局暨忠義節孝顧鄉賢

朱孝定等祠田產為辦學之款敦善堂及埽設之施棺

代葬義渡籌濟諸局移併察院前普育堂內是為學務

善舉分立各辦之始是冬董理堂務為陳子渭士明年

崑新兩縣續補合志

卷二

公署

七

渭士東渡李子雲仙與樾辱蒙兩邑侯誦諉濫承其乏
追憶諸先達幾費經營創斯盛舉兢兢以隕越是懼力
崇搏節經費稍裕稟設貧兒蒙學堂籌建孤老習藝所
以體朝廷興養立教之至意木有本而益扶其幹水有
源而益濬其流尚望繼今而

敦善堂舊址前見宣統元年上海紳士李鍾珏租賃建造

房屋開辦蠶桑學堂未幾改蘇興布廠尋亦廢

廣澤堂在張浦鎮見前志光緒三十一年改設初等小學

校仍辦堂務

保嬰局在巴城鎮神道街暑區十圖計屋五間光緒十

四年里人龔瑞麟等募建並各善士捐田一百三十餘

畝

樂善局附設保嬰局內辦理代賒掩埋等事有田三十

餘畝

從善堂在井亭水月菴旁邑人馬格堂及子粹甫倡建

張家楨有清查斗則細號記井亭之有從善堂鄉先進

粹甫先生繼志以成之者也馬格堂先生有善堂而其子

夏秋之交民間急病苦難覓藥而無主厝柩年久暴露

亦無人之掩埋格堂先生憫焉乃與楨先祖松泉公等

議設堂糾成義會若干股得錢數百緡自道粹甫先生

乙未歷五載而告成而格堂先生已辭世矣粹甫先生

上承先志議析邑廟餘址構建公所而堂始有義塚已而

地擇幽僻靜地於水月菴旁而堂始有義塚已而

籌款置買田畝而堂始有義塚已而

馬氏兩先生之力也查始有恆產則置產向無印單祇憑

串契而堂中串契又日久散失所存租冊並無印單祇憑

號且戶名不一各莊書任意貪便甚有數戶并歸一戶

者尤乖亂不可究詰董馬逸溪先生係兩先生之

裔懼無以善後而先世之德將由是墜也爰與楨下

按圖查核失者復之誤者正之閱數月而葺事隨將完

戶一律更正並將斗則細號勒石以垂久遠工竣用誌

其巔末如此亦以見逸溪先生之杜漸防微冀畱先澤

崑新兩縣續補合志

卷二

於不朽云光緒二十八年壬寅仲春

放生會在井亭水仙廟內光緒二年里人重建有同人

捐田記原夫天地之大生氣彌綸所以仁民愛物德崇

人能以此為心即能以天地之心為心語小即胎生卵

生溼生化生無物不在胞與運會中語大即為聖為賢

為仙為佛無不由此入手珠溪漕港跨崑青以為界引

泖澱之長流其東有放生橋雄峙中流前明慈門寺僧

放水族於其下乾隆嘉慶間王少司寇利重舉放生社

顧名思義就濱河水仙廟中重建放生會使人樂善紳士

榮經理其事歷年奉行勿替但既有始基貴收後效爰

議勸募紳商樂善諸君捐置田產諸善姓慷慨解囊每

餘款擇廟前臨流隙地建立一亭稟請崑青兩邑憲示

俾垂貞珉其捐田善姓台街及區畝號亦逐細募石

用倘有積儲隨時增置良田善善相因詎有有限量謹當

濡筆以待光緒十年十一月謹記

義倉崑重二圖蓬閩鎮北街舊有房屋已毀里人吳廷
鏘向蕭姓契買舊屋三間基地一分三厘九毫連舊存
義倉基共九分五厘七毫

水龍閣蓬閩鎮重二圖南街光緒十六年里人李星毓
等集資建築以備水龍安置之所基地二厘九毫

試院

督學試院在薦嚴寺左咸豐庚申燬於兵見前志光緒三十

二年邑人杜慶徵等稟請新邑令王熙宇轉稟江督核

准開墾名新豐公司

崑新城守右營署在景德寺西咸豐未燬於兵後僦民居

見前志旋權借玉峯倉內迄未建復光緒 年浙人周

崑新兩縣續補合志 卷二 公署 九

小湖將基地繳價圈墾惟火藥房一間尙存

右營把總署

協防經制外委署以上見前志

各業公所

木匠公所在巡檢街東公輪子廟光緒初年設立

肉業公所在育嬰街租賃夏烈愍祠基地光緒五年設立

成衣公所在西街景德寺西南祀軒轅帝光緒二十四年設立

米業公所在集街光緒三十二年成立

會場局所

崑新學會設亭林祠光緒三十一年六月邑人方還開辦

崑新學務公所附設越閣光緒三十二年邑人王德祥方還開辦

崑新教育會仍設亭林祠光緒三十二年十一月遵部定章程以崑新學會改名並歸并文會闡費義學書院王捐鴛湖等田補助教育行政與勸學所相統合并聯合鄰境學界直接江蘇總會計會員百二人選舉方還爲正會長徐夢鷹陳定求爲副會長職員三十四人照章承辦教育事務支用經費並選舉陳定祥爲兩邑視學員兼學務總董照章開辦勸學所一并由縣詳請提學使分別札委給戳

商會在北大街光緒三十二年夏甯波人李慶釗邑人
崑新兩縣續補合志 卷二 公署 十
方還設立

巡警局在西街光緒三十二年開辦兩縣每年各捐錢一百二十千及各項捐由董經收以充經費

宣講所在北大街附商會光緒三十三年教育會會長勸學總董呈請遵照學部奏定章程合辦

法政講習所在玉山書院震川祠光緒三十四年正月邑人方還等發起開辦由教育會請縣照會鄉董保送學員并出示召募各鄉自治人才教員朱裕毅周一陽勸學所附設教育會光緒三十三年九月遵部定章以學務公所改定名稱設視學一人兼勸學所總董互見前城廂內外分四學區崑三鄉凡十學區新四鄉凡八學

區區設勸學員一人

城自治籌備公所在孝定祠宣統元年六月開辦事竣
卽撤

議事會在孝定祠宣統二年二月成立
董事會同上

縣自治籌備公所在震川祠宣統二年六月開辦三年
九月縣自治會成立

學款經理處在亭林祠宣統二年正月成立歸併教育
會經理之公共學款田畝存款先由邑紳錢鑿方還等
稟縣於元年年終大會議決至是開會公推邱樾爲總
理王頌文周一陽副之

崑新兩縣續補合志

卷二

公署

七

鎮鄉自治籌備公所計十七區宣統元年開辦二年鄉
自治公所一律成立

兵防

自徵兵制行而綠營及巡防之兵次第裁汰宣統初
猶存其名又舊日駐兵之地有關險要者皆當記之
以備考證之助故擇要錄之

撫標右營守備一員駐防縣城專轄在城各汛
三年裁守備設千總羅蔚清莅任改稱分府

見前志宣統

把總一員專防城外各汛

經制外委一員

額外外委一員

萊葭浜駐防千總一員以上均仍前見前志

差兵十四名見前志內撥把總二名經制外委二名光緒十

七年改差兵為練兵

千墩水警駐防始於光緒年間以尙書浦流域南通澱山

湖北接吳淞江地方衝要故常有巡船駐防為其汛地

云

尙明澱汎今廢按舊志有汎兵五名屬元和縣周莊把總管轄今營房雖廢而其基尙在結區

南大橋北首十餘步有荒地一區即營房基

演武場在麗澤門外即校場舊本閱營兵操演地久廢惟學

使歲試時校閱習武生童於此兵燹後試院移建省城

每科縣試武童仍在此校射參前志光緒二十八年武科

崑新兩縣續補合志 卷二 兵防 三

停止三十二年邑人戴人龍等繳價領墾名和濟公司

學校

士也者四民之首也故一國之風氣常隨士習為轉

移而一時之士習常因學術為升降則學校所繫不

綦重哉光緒一朝變政最多而變政之大者無過學

校蓋學校異其尙則天下之人異其俗矣今輯新故

學校之制著之於篇後之覽者所以知其得失之故

矣

文廟在崑治西南二百九十步詳載原志光緒十年十月靠東

圍牆圯毀五丈餘大成殿重簷半多腐壞由洒埽局董

李湘等稟請兩邑令周相輔李福沂詳請撥款修葺當

經履勘一周估定工料拆換興修又添建祭器所三間
廂房一間披廂一間歷年餘始竣統共用錢二千二百
餘千文李湘等以同瓦工程不能耐久請於當捐生息
項下撥歲修費每年二百千文經藩司易批准由縣諭
支用如遇鉅工再詳請憲示遵行十三年七月重建名
宦祠修葺崇聖祠黝堊牆壁屋面名宦祠先賢神位亦
一律重製朱漆金字爲之一新十七年略修大成殿計
工資洋二百餘元二十二年四月東西齋房落地重建
又建儒學頭門三間西儀門一間東邊萬仞宮牆四十
四丈禮門義路木坊二座大門右紅牆內小屋三間以
居守者計共支用當捐錢一千數百餘串三十二年詔

升大祀應更製神牌改覆黃瓦展拓月臺增備禮樂器
具以費絀未果惟將殿瓦宮牆一律改飾黃色以崇體
制

廟制

大成殿五楹中懸

御書額八

見前志

光緒三十四年宣統

登極頒 御書中和位育匾額

兩廡增祀者東廡先儒張履祥

同治十年從祀原列孫奇逢之次今改列黃宗

羲之次

張伯行

光緒四年從祀其之次

輔廣

光緒五年從祀黃

宗羲

宣統元年從祀位

劉因

宣統三年從祀

西廡先儒

游酢

光緒十八年從祀

呂大臨

光緒二十一年從祀

王

夫之

宣統元年從祀位

顧炎武

宣統元年從祀位

趙岐

黃道周之次

陸世儀之次

宣統三年從祀位
列杜子春之次

遵議先儒從祀請 旨裁定疏

吳縣曹元忠夔一代撰

禮部謹奏爲遵議先儒從祀請 旨裁定恭摺仰祈 聖

鑒事上年正月二十八日准軍機處片交御史趙啟霖奏

請將 國初大儒王夫之黃宗羲顧炎武從祀 文廟一

摺奉旨禮部議奏欽此欽遵到部 臣等謹案古無所謂從

祀也惟禮記文王世子云凡學春官釋奠于其先師鄭注

若漢禮有高堂生樂有制氏詩有毛公書有伏生億可以

爲之由漢時而無從祀之事故舉立在學官置有博士者

億度爲之至唐貞觀間始定配享而伏勝高堂生毛萇悉

預其列且有代用其書垂於國胄之詔蓋取祭儀祀先賢

崑新兩縣續補合志

卷二

學校

十四

於西學注先賢有道德王所使教國子者之義就周制祀

於學者以當耐饗 廟廷似亦相近而當時經典卽以德

行道菽爲言後世凡議從祀所當恪守是以我 朝定制

亦遵斯道伏讀道光九年 聖訓先儒升耐學宮祀典至

鉅必其人學術精純經綸卓越方可俎豆馨香用昭崇報

咸豐十年 臣部議奏先儒從祀亦以闡明聖學傳授道統

爲斷 諭旨允准着於 功令今考王夫之黃宗羲顧炎

武等生當明季鑒宋以後講學家空談性命不根故訓之

弊毅然以窮經爲天下倡而後德性問學尊道竝行 臣等

嘗謂我 朝經學昌明比蹤兩漢實由東南之間炎武宗

羲最爲大師宗派流行馴至於徧天下夫之著書行世較

晚而咸豐同治以來中興名臣大半奮跡衡湘則亦未始非其鄉先生教澤之所留貽若援明臣宋濂孔子廟堂議學者各祭其先師非其師弗學非其學弗祭之義兩廡之間早當位置迺道光朝士大夫議建炎武祠於京師春秋致祭而宗羲夫之僅祀於其鄉者非弟子之忘其先師也抑夫之宗羲之於炎武其學不無軒輊於其閒臣等因是求之 祖訓而 欽定國史儒林傳以炎武爲首宗羲夫之次之嘗稱宗羲之學出於蕺山聞誠意慎獨之說續密平實又稱夫之神契張載正蒙之說演爲思問錄內外二篇而於炎武稱歛華就實扶弊救衰 國朝學有根柢者以炎武爲最似該故儒等學派久在 列聖洞鑒之中

又求之士論而道光閒兩廣總督臣阮元所刊 皇清經解首列炎武左傳杜解補正易詩本音日知錄諸書至近年江蘇學政臣王先謙奏刻經解續編以夫之周易詩經春秋四書稗疏次炎武九經誤字之後而管學大臣臣張百熙等奏定京師大學堂章程亦以宗羲所輯宋元明儒學案列倫理科中似該故儒等著述錄於通人達士者亦已流傳不廢蓋該故儒等皆有闡明聖學傳授道統之功而炎武尤醕乎其醕者獨其從祀 文廟二百年來尙與夫之宗羲同無定論以至於今亦議禮諸臣責無可辭者也往者署禮部左侍郎臣郭嵩燾湖北學政臣孔祥霖先後奏請夫之從祀江西學政臣陳寶琛又奏請宗羲炎武

從祀均經臣部議駁在案臣等嚮聞斯議知前部臣之慎
重明禋也迺取該故儒等全書以考其言而炎武所著宅
京記肇域志郡國利病書所言皆天下大計卓然名論惟
夫之所著黃書其原極諸篇既託旨於春秋宗義所著明
夷待訪錄其原君原臣諸篇復取義於孟子狃於所見似
近偏激意夫瞽宗俎豆矜式方來恐學子昧於論世知人
將以夫之宗義爲口實至於流傳刊本閒畱墨匡疑涉指
斥或爲該故儒病則 祖宗之世早垂 明訓恭繹雍正
十一年四月 上諭本朝人刊寫書籍凡遇胡虜夷狄等
字每作空白嗣後仍蹈前轍將此等字樣空白及更換者
照大不敬律治罪仰見 聖朝如天之度向不以文字語

言罪人豈有轉設文網以繩前朝遺老斷可知也是以此
次奉 旨交議御史趙啟霖奏請夫之宗義炎武從祀
文廟升主配食於禮爲大誠宜博訪周咨以求至當於是
奏請仿照會議政務章程移會各衙門將該故儒等應准
應駁之處開具說帖送交臣部核議具奏奉 旨依議旋
經各署堂司開送說帖都二十六件其主夫之宗義炎武
竝准從祀者十居其九臣等以爲是非聽諸天下固見公
論於人心予奪出於 朝廷尤待折衷於 宸斷昔在漢
世嘗詔諸儒講五經同異太子太傅蕭望之等平奏其事
孝宣稱制臨決著於前史後世禮議雖伏及讀通典所載
宣帝諸制猶想見漢家聖學之盛獨隆于古今釋奠學官

事關大典倘仿石渠之例重修甘露故事以復 聖天子
議禮之上儀洵千載一時之遇也用敢不揣冒昧擬將顧
炎武從祀請 旨准行其王夫之黃宗羲應否與顧炎武
一律從祀之處恭候 聖裁訓示除大學士孫家鼐學部
左侍郎嚴修學部右侍郎宗室寶熙署郵傳部左侍郎吳
郁生大理院正卿定成大理院少卿劉若曾另摺具奏例
不列銜竝將各衙門送到說帖咨送軍機處備查外所有
臣等會議緣由謹合詞具陳再此摺係禮部主稿合併聲
明伏乞 皇太后 皇上聖鑒謹奏請 旨

光緒三十四年九月初二日交禮部 軍機大臣面奉

諭旨禮部會奏遵議先儒從祀分別請旨一摺顧炎武王

崑新兩縣續補合志 卷二 學校 七

夫之黃宗羲均著從祀 文廟欽此

奏升大祀部頒祝文 辭曰維某年月日某官某致祭於
世師表之尊道協時中繼三代明倫之治學校漏乎鄉
國秩祀著在彝章仰惟先師孔子教範古今德彌宇宙
達天盡性淵源集羣聖之成守道遵經文軌協大同之
盛稽崇儒之鉅典先朝久重明禮擴興學之鴻規懿訓
特升上祀風聲所樹承矩矱於三雍教澤無垠廣甄陶
於百氏大義炳如日月馨香永以春秋於戲玉振金聲
億代猶存夫懷慕麟祥鳳德八方莫外於尊親文治恢
昭苾芬歆格以復聖顏子宗聖曾子述聖子思子亞聖
孟子配 尚饗

學制

教諭廨 兵燹後久未建復現居玉峯
倉內權為儒學署互見公署

訓導廨 全前未建現居柴王
衙積穀公所為儒學署

忠義孝弟祠 光緒朝 詔旌
孝子朱成熙

五王祠於光緒三十二年詔升大祀用太牢禮增備祭牛一頭

添置樂器

光緒十四年文童陳觀瀾由常州籍隸入新陽捐資二百千文

貢生額

拔貢生自同治十一年每學每十二年選拔一名

見前志光

緒三十四年宣統登極推行新政元年已酉科兩學各增拔一名共四名

學田

宣統三年九月改革後將學田併歸教育款

書院

玉山書院

見前志

光緒二十九年遵省城紫陽書院新章改

崑新兩縣續補合志

卷二

學校

六

名玉山校士館三十年暫設東區縣高等小學堂三十三年開法政講習所宣統二年六月在內籌備縣自治旋設城自治等公所

鴛湖寄墅光緒三年崑山縣金吳瀾捐建以廟田充公租

息作膏火課士

見前志

七年金令移官去張令紹渠莅任

始則仍在鴛墅考試旋移至署中未幾改章每年散卷分課兩次時舉時止至二十三年後由邑人士稟請改設官塾延師閱文尋亦廢

文節書院在石浦鎮中市通里橋南卽眞如觀之舊址祀

宋衛文節公涇明張提學副使和葉文莊公盛光緒十一年里人朱靜初剏捐吳鍾麟剏辦鎮洋王祖畚有新

建文節書院碑記 太湖蜿蜒東下七十餘里曰三江口

治城之隍或云古婁江玉峯峙其旁迤南四十里曰石

浦鎮澱山湖千墩夏駕諸浦若抱若折環繞其地山水

清淑蔚為通人巨儒六七百年間項背相望近乾嘉以

降稍凌夷衰微矣邑孝廉吳君鍾麟慨然太息謂古者

如鷲湖鹿洞近如東林諸書院大氏以學副使張公侍

立儒而吾鄉先達宋衛文節公及明以學副使張公侍

郎葉文莊公文章學問焯耀海內足以矜式後學謀於

朱上舍靜初割腴田二頃錢六十緡君之錫王君懋修戴

支君達彭君龍文增奎生張君文虎唐君汝鄂合詞請於

君文烟朱君元增奎生張君文虎唐君汝鄂合詞請於

崑山台靈川周侯相輔詳大吏准建文節書院於石浦

鎮周侯復為籌經久費歲提漕米公費項下每石錢五

文以資生徒膏火之用鎮舊有真如觀兵燹毀即其故

址為堂室若千楹廊舍若干楹門房庖湑備具奉文節

栗主而以副使文莊公附經始於光緒十有九年秋

越明年二月落成凡糜錢若干緡吳君光緒十有九年秋

既乃介余同年落成凡糜錢若干緡吳君光緒十有九年秋

攷文節當宋南渡後歷孝君曾蔭書來乞為記祖畬竊

值權姦用事孤立自守其所薦剡搜舉正身汲汲若不及

使通籍後乞歸窮治經史出為提學正身汲汲若不及副

浙人士跋涉千里臨其喪文莊清修積學尚名檢薄嗜

好當景泰天順間邊事孔亟多所論建其人流連仰止相

古大風吳君祀三賢之意將使邑之人流連仰止相

勉以學業節義異時出身事主無或為媿阿客悅以愧

乎三賢而余為具書其本末又將以諭來者使相與慨

慕振興於無窮而無忘今日諸君子之志也抑祖畬重

有感焉子朱子有云近世有所謂君子之志也抑祖畬重

志士子相從於學校庠序之間無一日不讀書然問其

所讀則舉非向之學校庠序之間無一日不讀書然問其

心不有於身猶不免為書肆呼讀聖賢之書而不通於

哉近書院徧天下大率以制義課士士子果能於四子

病於義理沈潛往復反之於身指之於日為博塗附以

為工剽竊模擬以悅人風之日壤士氣日以卑而世運因

之此則朱子所謂科舉之業之足壞士氣日以卑而世運因

國顧亭林先生以文章耆宿為經師人師弁冕也本朝開

經術授受直接漢唐諸儒而興起者乎是在勉之而已光

裏鄉之人猶有聞其風而興起者乎是在勉之而已光

緒十有三年強

闡費局舊址在天區三畝文武帝廟內

見前兵燹後設

於顧亭林祠後文會局與敦善義學并辦光緒三十二年科舉停止以闡費改充學款遂廢

互見公署門

全邑學堂

崑新縣立高等小學堂光緒三十年冬開辦初假玉山書院旋購崑境地區五畝南街民房六進爲校舍

崑新縣立女子高等小學堂原名培本女學光緒三十一年開辦暫假新境天區一畝北柵灣民房爲校舍

崑山小學在崑境宇區六畝西塘街義倉內光緒三十一年正月開辦卽以義倉空屋改建計有教室二大門一教員室一應接室一廚房一操場約四分

樾閣學堂在新境天區三畝新陽城隍廟後卽前明葉氏

崑新兩縣續補合志

卷二

學校

三

半繭園也光緒二十七年創辦旋更名新陽高等小學堂自崑新縣立高等小學堂成立後以高等班併入之而是校仍獨辦初等校舍卽就樾閣改建計有教室三教員室一大門一宿舍一廚房一操場約一畝

東區小學堂在新境天區一畝土地祠內光緒三十年正月開辦

南區小學堂原名城南初等小學堂光緒三十一年開辦初假倉潭崑山縣教諭公署內繼遷至西南隅土地祠又遷於東南隅土地祠三十二年遷至新境天區三畝碑亭街以馬鞍山東麓劉龍洲先生祠堂移建於此故校中仍祀龍洲先生栗主

西區小學堂光緒三十三年開辦初假廟宇現在地區五
畝景德寺後隙地建造校舍計有教室一操場約五畝
北區小學堂在崑境宇區六畝大西門街光緒三十三年
開辦假石皮街口土地祠爲校舍

賓曦小學堂在賓曦門外光緒三十三年開辦初假民房
既就新境咸區二十三畝玉龍橋南塊廢廟改建計有
教室一操場約五分

迎薰小學堂在迎薰門外光緒三十三年開辦就崑境天
區十畝正心壇改建計有教室三教員室一應接室一
大門一廚房一操場一方

麗澤小學堂光緒三十三年開辦暫假文廟後酒埭局內
崑新兩縣續補合志 卷二 學校 三
爲校舍

畱暉小學堂原名城西蒙小學堂在畱暉門外光緒三十
三年開辦就新境宇區十六畝正西宮偏北空屋改建
計校舍七間操場一方

敦善蒙小學堂在崑境天區三畝察院前敦善堂內宣統
元年堂董李鵬邱樾創辦三年後
停止

正義鄉

正義公立初級小學堂在正義鎮冬區二十三畝傳場圩
光緒三十四年邑人龔濤沈鼎以積穀典息創辦就充
公民房爲校舍宣統二年更名正義公立簡易小學堂
三年又更爲初等小學堂

渭北初等小學堂原名正義公立兩等小學堂在正義鎮北城隍廟光緒三十年邑人趙詒翼以典息米捐創辦渭南初等小學堂在正義鎮南市宣統三年正月邑人陸增琦以公款開辦租借民房爲校舍

南星瀆鄉

南濱小學堂原名南星瀆鎮義塾在新境藏區十四畝光緒三十四年邑人陸廷瑜周之冕卽以義塾款改辦

巴城鄉

公立初等小學堂在新境巴城鎮暑區十畝城隍廟內光緒三十一年邑人黃公槐以附稅及蠲捐開辦

周墅鄉

崑新兩縣續補合志

卷二

學校

三

周墅公校在新境周墅鎮日區二十四畝河北街城隍廟光緒三十二年邑人陳定略吳景陽以布米茶捐開辦陸家橋鄉

三益公校原係民立義塾在新境石牌鎮河西岸三官堂內光緒三十四年由常昭新三縣合辦爲初等小學復初初等小學堂在陸家橋鎮河東岸宣統元年由縣教育會聘任莊錫菡以市捐及教育費開辦暫假民房爲校舍

蓬閬鄉

蓬溪公立小學堂在崑境重區二畝蓬閬鎮南街光緒三十三年邑人李文彰等創辦籌集米猪茶捐五百餘千

文并請撥福年菴廟田八十餘畝爲常年費就金粟菴舊址建築校舍十四楹

第二初等小學堂在三官堂內宣統三年開辦

夏駕橋鄉

夏溪初等小學堂在新境光區六畝夏駕橋鎮宣統元年邑人徐陶璋張元恆募捐開辦校舍以三官堂改建郭澤小學堂在郭澤塘重區九畝詩字圩宣統元年邑人戴福原以積穀款及廟田租息開辦建築校舍三楹并借用廟屋四楹

沙溪小學堂在沙家村稱區九畝黃字圩宣統二年開辦借正法菴餘屋五間

崑新兩縣續補合志

卷二

學校

三

茱葭浜鄉

花溪兩等學堂原名花溪蒙學堂在花家橋鎮光緒三十二年邑人胡國樑集捐創辦建築校舍十三楹
茱溪蒙學堂在茱葭浜鎮夜區一畝光緒三十三年邑人張遇高集捐創辦

安亭鄉

震川兩等小學堂原名震川高小學堂在安亭鎮光緒二十九年由毛詒源沈麟蔡璜顧振岳集款開辦高小學三十二年仍辦兩等小學就震川書院舊址建築校舍四十五楹

震西初等小學堂在天福菴鎮光緒三十二年邑人陸仁

龍集款創辦初假市北民房越二年遷入天福菴內
西區初等小學堂在安亭鎮宣統二年開辦
徐溪初等小學堂在徐公橋宣統二年開辦

角直鄉

角直鄉立初等小學堂在角直鎮姚家街光緒三十一年
邑人朱灝以本鄉公款附稅開辦

張浦鄉

培基小學堂在張浦鎮北市侯家浜光緒三十一年開辦
大慈初等小學堂在大慈鎮西市西雲寺光緒三十二年
邑人戴寅榜以原有義塾田租開辦

陳墓鄉

吳崑兩等公學原名新德義塾在陳墓鎮成區五畝上誠
圩光緒三十一年邑人朱祖正開辦

尙明甸鄉

澱西學校在結區一畝虬澤村北柵光緒三十一年邑人
彭龍文創辦以育德養正兩義塾田租及附稅修理育
德義塾與萬壽菴舊屋為校舍

澱北初等小學校原係養正義塾在尙明甸鎮宣統三年
邑人彭龍升分撥澱西田租開辦即以義塾為校舍計
六楹

第三初等小學校在虬澤南港宣統三年開辦
石浦鄉

淞南初等學堂原名淞南兩等學堂在石浦鎮文節書院內光緒三十年邑人唐汝鄂以原有文節書院田租及縣貼書院費開辦就書院後埭添建校舍五楹

歇溪學校在歇馬橋鎮宣統二年邑人夏世範以原有義塾田租開辦

干墩鄉

干墩鄉立初等小學堂在干墩鎮光緒三十一年邑人李傳鑑顧積和集捐開辦卽以城隍廟賓館爲校舍

楊湘涇鄉

正基小學在楊湘涇鎮光緒三十一年邑人汪之鑣童錫珪李世琛顧章煥等以廟田義塾田租息開辦就禪堂

崑新兩縣續補合志

卷二

學校

五

改建校舍六楹

養正學校在楊湘涇南三里磧礪村宣統元年邑人周家恆徐承達以原有義塾田租開辦就福嚴寺餘屋爲校舍

井亭鄉

井亭澱南學校在井亭港從善堂內光緒二十八年邑人張家楨馬之伯等創辦卽於從善堂後隙地建築校舍金溪兩等學校在金家莊光緒二十八年邑人顧大文等籌款創辦初就文昌宮改建越二年又西闢清漣菴增加教室

神童小學在神童涇村宣統三年邑人沈山靈等集款創

辨

崑新兩縣續補合志卷二

崑新兩縣續補合志

卷二

學校

三